



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De canonico ob erubescientiam cuiusdam furti conuerso, cap. 29.

urn:nbn:de:hbz:466:1-13177

Per tuam linguam medicinalem Deus liberauit me à maximo errore. APOLLONIVS: Nunquid bene postea vixit Princeps iste? CÆSARIUS: Minimè, promisit verbis, quod non impleuit factis: qualis eius finis fuerit, cum quanta sarcina peccatorum obierit, pœna tormentorum illius in sequentibus te docebit. Reuertamur igitur ad præcedentia, quia longam hanc euagationem fecit interrogatio tua.

CAPVT XXVIII.

SIC VIT multos trahit ad ordinem medicina infirmitatis, ita plurimos intrare compellit caminus paupertatis. Sæpe vidimus, & quotidie videmus, ^{Panper-} ^{tate im-} personas aliquando in seculo diutes & honestas, ut sunt milites & ciues, cogente inopia venire ad ordinem, magis ex necessitate volentes diuiti Deo seruire, quam inter cognatos & notos egestatis confusionem sustinere. Cū quidā vir honestus exponeret mihi conversionis suæ ordinem, adiecit: Cettè si in rebus meis habuissem prosperitatē, nūquam venissem ad ordinē. Noui quosdam, qui patribus siue fratribus conuerterebus, cōuersti renuerūt, & cū consumpsissent omnia sibi dimissa, tunc primūm venerunt, necessitatem pallio deuotionis palliātes, vel potiūs de ipsa necessitate virtutem facientes. APOLLONIVS: Non est necesse de talibus exēpla querere, cū videamus tali occasione plures maximè conuersos ad ordinem venire: sed beati sunt illi, qui diuitias habuerunt, & pro Christo illas contempserunt. CÆSARIUS: Non ideo beati, quia diuitiarum possessores, sed ideo beati, quia diuitiarum contēptores. Plus placuerunt Deo duo minuta viduę, ^{Marc. 12} quam multæ diuitium eleemosynæ. Scias etiam quosdam conuersti propter erubescētiā alicuius culpe, siue notam qualiscunque infamiae.

CAPVT XXIX.

IVENIS quidam in domo nostra nouitius fuit, quē occasio huiusmodi ad ordinem traxit: Fuerat si- ^{Nota in-} quidē canonicus cuiusdā ecclesiæ in Colonia, qui cū fecisset Domino, clericō honesto, cuius tunc tēporis commēsalis erat, furtum, licet paruum, & à seruis ^{famia.} illius

illius reprehensus fuisset, in tantum erubuit, ut de seculo fugiens, monasterium nostrum peteret, atque nouitius fieret. Maluit Deo seruire, quam tantam cōfusionem inter suos confratres sustinere. Ego eodem tempore in eadem ecclesia positus, causam conuerſionis eius, ut iam dictum est, intellexi, & quia stabilis non esset talis conuersio, satis timui.

CAPUT XXX.

Alius quidam adolescens sanctimonialē quādam imprægnauerat, & confusione vrgente, simulque timore, eo quod femina nobilis foret, conuerſus est in ordine nostro: & quam diabolus ei præparauerat in ruinam, per occasionem facta est illi in salutem. Iuuene suprà dicto, iusto Dei iudicio, ordinem deserente, iste adhuc perseuerat, Dei se misericordia conseruante. APOLLON. Ut video, non est voluntis, neque currentis, sed miserentis est Dei. CÆSARIVS: Ita est. Quod quidam etiam conuertantur ob periculum vita temporalis, hoc exemplo doceberis.

CAPUT XXXI.

*Periculū
vita.*

Eo tempore, quo Rex Otto profectus est Romā coronari in Imperatorem, imperium supra Mōsellam fratri suo Henrico Palatino regendum commisit: hic nobilem quēdam virum prædonem per iudicium capitali sententia damnauit: aduenit Daniël Abbas Sconauiae, suisque precibus apud Palatinum obtinuit, ut ei liceret viuere, & Deo pro peccatis suis in ordine Cisterciensi satisfacere. Sic homo pro suis sceleribus morti addictus, per gratiam conuerſionis evasit sententiam damnationis. Frequenter huic similia audiui, scilicet ut homines flagitosi pro suis criminibus variis suppliciis deputari, beneficio ordinis sint libertati. APOLLONIVS: Licet hæc videantur minima, non tamen sunt parui pendenda, eo quod sint ædificatoria. CÆSARIVS: Quibus hæc videbuntur minima, audiant de his, quos timor pœnæ gehennalis conuertit, magna atque terribilia.

CAPUT